

祁縣志目錄

卷一

輿圖

祁縣全圖
八景圖
縣城圖
縣治圖
學宮圖

星野

沿革

卷二

疆域

坊村
市集附

山川

形勢 水利附

城池

堡寨 武備附

關梁

驛遞附

卷三

縣治

行署 倉場附

學校

出賦

丁賦
稅課附

卷四

風俗

物產

鹽法附

古蹟

墳墓
坊表附

祠廟

寺觀附

封爵

誥贈附

卷五

職官

名宦

卷六

選舉

列目 徵辨 感賞 拔貢 副貢 歲貢
例貢 生監 例位 職貢 武秩 鄉貢附

卷七

鄉賢

卷八

人物 一

卷九

人物 二

孝友 支苑 尚義 飭行 仙釋 方位

卷十

列女

藝文

制詔勅表序考

卷十一

藝文

世家傳記

卷十二

藝文

記神道碑

卷十三

藝文 四

墓表

卷十四

藝文 五

墓誌

卷十五

藝文 六

詩 詞 賦

卷十六

雜異

雜紀

縣志卷十

祁縣知縣陳

時編輯

列女

彤史稱美女子之行所重者女貞婦孝妻令母賢焉
夫閨門之言不踰闕無非無儀無成之義也錄柏舟
而紀伯姬不幸以節烈著固其服于女誠家訓者多
亦其秉於天理民彝者正故不獨在聞家望族也我
朝褒嘉志行薄海內外守節不移者所在奏

聞旌表建坊未嘗後時所以興民行者至矣祁爲太原
望邑閨閣之能明大義者甚夥今采獲尤顯行者著

元鼎志 卷一
于冊或可附子政八篇之後也夫志列女

南梁

魏氏王神念妻僧辨之母也性安和善於綏接家門內
外莫不懷之梁元帝遣僧辨伐襄陽以待部曲下獄
魏流涕徒行將入謝罪元帝不與相見時貞惠世子
有寵魏詣閣自陳無訓誨涕泗嗚咽衆並矜之僧辨
免罪魏深相責厲辭色俱嚴僧辨雖克復建鄴功蓋
宇宙魏恒自謙損不以富貴驕物朝野稱之謂爲明
哲婦人及卒命侍中謁者監護喪事謚曰貞敬太夫

人靈柩將歸建鄴又遣謁者至再弔祭

唐

王珪母李氏有知人之鑑謂珪曰我看汝當貴但不知所與者何如耳一日房喬杜如晦造珪氏窺見大驚敦具酒食盡歡既去謂珪曰二公皆公輔器子必與之俱貴後卒如其言

王氏太原人永福潘令之妻也隨夫宰永福任滿祖饒留連王先解舟泊五里汰王灘下俟久不至月夜登岸題詩壁曰何事潘郎戀別筵歡情未斷妾心懸汰

王灘下相思處猿叫空山月滿船未署太原族望歲
久詩漫滅獨太原二字入石邑人因以名其灘

明

生員孔俊妻武氏性淑慧每夜績佐夫讀偶問列女傳
俊曰爾婦人曷足語氏曰列女獨非婦人乎俊心竒
之正德辛未流賊入祁俊遇害逼氏罵曰吾儒家
婦豈若等匹耶迎刃而死

楊子秀妻田氏夫亡守志賊入見其美欲犯之氏曰我
正祈速死從夫地下爾豈爲若等污耶斫傷其右臂

繫衣走溺非死

趙文茂妻高氏避賊走空室中被執謂之曰從我當享
安樂氏曰我無庸生奚庸安樂賊以刃批其面并刺
其腹死

王原妻郝氏早寡聞賊至衆皆走避郝獨不去及執厲
聲曰我孀婦也不二心久矣賊見其不可屈揮刃碎
其身而去

張才理妻范氏賊變走伏坊民段能圍舍賊突入范奮
起捉衣嚙裾大罵之賊斫其頸殞地死

溫廷美妻郭氏賊至匿城下穴中賊搜得拽肘迫之行
溫知不免至城東深水坑奮身躍入死

段奎妻閻氏卧病不能起賊至奮聲大罵賊怒引弓揮
刃開引頸迎之曰能速殺我我志遂矣賊竟殺之裂
其屍自武氏至閻氏同時旌表提學周宣有七貞記
見藝文志

武鑰妻楊氏年二十四而寡守節撫孤壽七十三卒
許琮妻呂氏年二十五夫亡事舅姑以孝聞子鴻程甫
二歲課讀有成年十九領鄉薦

范奎妻王氏年二十二而寡遺子未期矢志撫孤壽七十有五卒奉請旌表

胡早妻李氏年二十一夫故方娠三月撫柩哭曰夫死妾何忍獨生姑曰俟遺腹男女何如爾及期幸舉子堅志撫孤壽七十三卒奏請旌表

顏享妻何氏年二十三夫故遺女三有欲娶之者氏剪髮自誓寧死不二撫女完節以壽終

任錫妻田氏性貞淑不妬忌孀居四十餘年撫庶孤如已出閭里稱之

賈思本妻程氏年二十八思本卒氏事老育幼終始不渝
渝子璣娶王氏甫生子璣死王亦勵志如姑人稱賈
門雙節

溫士德妻渠氏家貧無子苦節四十餘年足不履戶外
紡績度日人無間言

郭孝禮妻劉氏年二十四夫亡子二義三歲智在娠卒
後七日而生守撫有成卒年八十

都事王應璧妻郝氏隆慶元年被賊掠迫之前行乘間
投井死

續文博妻范氏范儒女早歲訂婚未合邕文博轉徙於外二十年不返父母將改字女不從年四十文博還始偕伉儷生男女各一鄉黨賢之

戴秋姐戴宛之女幼端謹有令德隆慶元年女年甫十八隨母避賊行至秦村堡北賊突至先殺其母以刃脅從女詈罵不屈怡然就戮賊怒裂其屍

袁銀旦袁永福之女年十六未字父母之出間女獨居范遇興窺而逼之女詈叱不從遇興懼奔母歸訴其故旋卽自縊

楊士隆妻孟氏甲申流寇掠其家氏有姿容以甘言誘之不從齋以刃亦不羈夫與子俱被害氏罵曰死賊速殺我賊怒肢解之

太學生康強妻田氏世相坊人夫亡杜門不出雖隣婦罕見其面撫孤成立壽八十一卒

舉人王廷美妻袁氏夫亡遺子鑾方三歲誓不他適後鑾以歲貢任府判氏壽八十有四奏請旌表

王萬妻李氏故縣都人夫亡年二十四歲族人欲奪其節氏斷髮誓守撫孤成立壽八十有一奏請旌表

范廷廣妻張氏世廂坊人夫亡年二十三歲堅節撫孤
壽七十三卒奏請旌表

王慶妻張氏西關廂人夫亡年二十三歲孀居至七十
卒

王廷祿妻馮氏廷祿慶之子廷祿歿氏孝事孀姑誓不
再醮

郭伯羽妻王氏麓臺坊人夫妻相敬如賓夫亡誓不他
適孀居四十餘年卒

李廷直妻郭氏世相坊人夫亡孀居四十餘年勤苦養

元鼎志 卷一
親撫孤成立

胡濂妻王氏麓臺坊人夫爲賊所害堅貞誓守閨閤弗
出四十餘年壽六十四卒

王廷珍妻任氏會善都人孀居四十餘年甘貧課子銜
鑑俱邑庠生

生員呂惟敬妻許氏麓臺坊人夫亡甘貧守節年屆七
十而卒

呂廷與妻武氏麓臺坊人夫亡年一十九歲堅貞守節
勤紡織以撫孤壽七十三卒

武安邦妻許氏西關廂人夫亡孀居三十餘年里黨欽重

武尚寬妻田氏西關廂人夫亡年二十三歲守節撫孤始終不渝

驛丞胡應宿妻許氏麓臺坊人夫亡堅節撫孤四十餘年而卒

許安周妻申氏世相坊人夫歿遺孤三歲氏甘貧守節孝事翁姑撫子女成立

范思安妻呂氏世相坊人夫亡誓不他適撫孤及侄無

異已出壽六十二卒

李行仁妻呂氏麓臺坊人夫亡堅心守節教子成立

武尚質妻陳氏西關廂人夫亡年二十三歲子思敏方
周歲守節撫孤壽七十七卒

武定妻王氏西關廂人夫亡年二十五歲堅志守節撫
孤成立

生員許永慶妻續氏世相坊人夫歿年二十二誓不他
適撫育遺孤壽八十二卒

閻朝榮妻申氏故縣村人夫亡年十九歲後五月生子

佐氏甘貧守節撫孤成立人無間言

韓佩妻申氏大韓村人夫亡時年二十四子登科方在
娠彌月而生誓死不嫁勤儉育孤以成家

武尚學妻康氏西關廂人夫亡年二十歲子思賀甫周
歲誓不他適撫孤成立壽八十餘卒

國朝

潘一鳴妻劉氏夫亡事翁姑以孝聞撫孤成立先業不
墜

生員申燦妻溫氏姜瓌之變夫婦俱被執賊殺燦扶遺

上馬而去溫墮馬者三叫號怒罵遂遇害

武舉郝圻妻王氏年二十七夫故子三景鑰景鎭景鎬
俱幼氏守節教子景鑰景鎭列名庠序景鎬領武鄉
薦咸謂貞節之報康熙二十五年具疏 旌表

廩生馬而身妻程氏年二十三夫故無子誓不他適守
節五十餘年康熙二十七年具疏 旌表

程二姐程爾潔女年十六父賈獲鹿與母杜及幼弟居
遇真觀道士馬陽旺覬女懷異志暮夜伏屋梁俟母
出潛下逼之女怒喊不從聲徹於外陽旺懼拔刃刺

之母聞驚愕急往燭之女已死陽旺庶不免亦自勿
垂斃雍正三年建坊 旌表

監生暢煥元妻程氏授貢程大道女年二十九夫死痛
不欲生父諭之曰老姑幼子非汝安依意稍解奉姑
以孝謹聞撫子有成歷二十餘年辛勤罔懈雍正七
年疏請 旌表

任世秀妻許氏年二十一而寡家計蕭條氏撫諸幼事
孀姑婦道母儀兩無所忝有司給扁表其門

李九兒者劉家堡李允照之女也借母王氏赴場磨麥

有強暴窺其母還取麥欲污之尤兒嚙馬奔家哭訴
其母勸慰羞忿莫釋是夜乘母睡熟投環殞命聞於
官強人畏罪脫逃被獲伏法乾隆三十一年旌表
建坊入祀節孝

王爵妻李氏麓臺坊人夫亡時年二十一子廷臣方三
歲安貧撫孤壽七十二歲卒孫四人曾孫五人

渠天錫妻暢氏世相坊人年二十歲夫亡閨數月生子
秉義矢志守節勤紡織課子讀書年八十六卒旌
表建坊崇祀節孝

三定邦妻溫氏會善村人氏獨宿有強暴用刀撥門入室氏叫喊不從罵不絕口強人懼隣右知覺拔刀刺氏遂遇害奏請旌表

六學生暢煥元妻程氏北左村人夫亡柏舟自矢誓不再醮奏請旌表年八十二歲卒

全貞郝如璧妻岳氏長頭村人年二十一而夫亡生子甫六月氏躬操井臼孝事翁姑撫育遺孤嚴慈並至乾隆十五年旌表建坊四十二年以孫壯猷官建寧總兵誥封夫人

董其都妻馮氏北村人年二十五而夫亡身有遺腹
誓志守節後生男養親撫子壽五十八而卒

生員范蕙如妻薛氏世相坊人夫亡時年二十四矢志
守節勤紡績事孀姑以孝聞撫前室之子焄英鞠育
教誨弗異親生壽七十七而卒焄英邑庠生孫曰棻
邑廩生

趙際昌妻張氏梁村人夫亡時年二十二家貧無子女
父母欲其改嫁有富室遣媒說婚氏聞之氣絕垂死
不食者累日父母知其志堅弗強也孝事翁姑爲夫

繼嗣未幾氏亦亡

程師孔妻杜氏東觀人師孔太學生直隸東光令愫
庶子亡時氏年一十九歲有子二人矢志撫育長復
初以府試冠軍入庠次旭初以縣試冠軍入庠乾隆
四十二年旌表建坊

李維梅妻張氏年十八適夫家年二十一生子恒模而
夫沒氏哀毀至不欲生其姑數勉以子幼親老宜承
夫志俯育仰事以慰夫於地下始強食事舅姑克盡
婦道以孝聞族黨間矢節撫孤飲水茹苦五十餘年

乾隆四十二年旌表建坊

渠瓚妻范氏白圭村人夫亡時年二十二遺子連錦製
錦氏冰霜自矢雖至親亦罕見其面勤紡績忍饑寒
孝事孀姑三十餘年不懈

高全維妻岳氏囟圖村人夫亡時年二十六誓志守節
孝事舅姑子稍長勤課讀書希曾補邑庠生

渠容妻武氏會善村人夫亡時年二十三家貧勤紡績
隣人罕見其面孝事孀姑慈撫孤兒子生德營生成

家

渠瑋妻馬氏塔寺村人夫亡時年二十六子永澍方五
歲氏守節撫孤事姑孝謹姑寢疾三月奉養稱勤及
姑卒哀痛致疾踰年始愈遇夫姊甚厚戚里中貧乏
者靡不周卹人謂不愧渠瑋妻云

渠瑋見孝義

呂付連妻霍氏東六支人夫亡時年二十二無子家復
貧甚矢志靡他敬事孀姑二十餘年撫姪爲嗣時未
週歲鞠育辛苦至於成立今孫五人

盧裕昌妻程氏西沙堡人生子全功甫一歲而夫亡氏
年十九事親撫子備歷艱辛及全功娶郝氏生子步

月甫三歲而全功又夭郝氏矢志鞠孤與姑共勵苦
節後程氏壽至八旬郝亦年六十而終今子孫蕃衍
孟良才妻馮氏北團柏人夫亡年二十二歲子玉璽甫
五歲姑年已老氏誓死靡他子長娶妻王氏生孫煥
甫一週而玉璽復亡時王氏年十八與姑同志守節
未幾煥亦夭因撫堂侄暉及昭爲嗣乾隆十二年同
請旌表

任心覺妻郝氏東觀鎮人夫亡年一十九歲子英尙在
襁褓氏誓志守節事親撫孤備歷艱辛孫元勳府庠

生年七十五卒

程嘉仁妻張氏東觀鎮人夫亡時年二十七子幼家貧氏苦節紡績度日撫子成立

程嘉烈妻呂氏東觀鎮人夫歿年二十三歲時長子三齡次子猶在娠氏矢志靡他孝事翁姑撫二子嚴慈並著

程異仲妻冀氏東觀鎮人年十八歸時年十八婚踰月夫遠遊遂無蹤跡家苦貧氏織紵度日終始無怨言後其侄爲嗣年七十八卒

范玉璉妻渠氏世相坊人性節儉寡言笑年二十九而夫亡遺子三誠詢諱時方娠彌月生二女家貧氏勤紡績撫三男二女皆成立里人推姆德焉

祁州領運千總郝培聖妻薛氏長頭村人夫故時年二十八歲子復早亡以侄綸爲嗣孝事翁姑慈撫繼子二年七十一歲卒

庠生任繼光妻梁氏東觀鎮人性貞淑子歸時值姑病纏綿氏扶侍六載勤慎不懈及姑將殂以四男二女薦使顧復氏肩承其任因嗣子艱難爲夫買妾夫旋

病歿無出翁欲使他適氏誓死不移孝事衰翁撫叔
一始如弟妹後以侄霖爲夫嗣年八十餘卒

張友參妻郝氏王村人年二十而夫亡遺子公琦氏立
志守節孝事翁姑撫孤子嚴慈並著尤勤紡績隣居
罕識其面

閻三福妻孟氏張名村人夫亡時年二十五子三人泰
慶發女一人家貧子幼氏誓死靡他一切衣食婚嫁
俱出自女紅後壽登八秩家道殷富孫成蘭 馳贈
昭武大夫

梁大麟妻程氏白圭鎮人年二十三歲生子和義而夫
亡時翁姑皆歿氏逮事祖姑孝敬無虧教育孤兒主
持家政皆有禮法里人賢之

范如蘭妻武氏常家堡人夫亡時年二十四誓不再適
撫育子女勤苦備至現年八十餘歲

張鼎隆妻任氏常家堡人生二子夫亡時年二十二守
節撫孤現年七十九歲子皆成立猶勤紡績里人賢
之

郝彥福妻李氏三合村人夫亡時年二十九子統克甫

歲氏工針黹撫養成立娶媳任氏俄而統乾亦亡
時任氏年二十八歲無子矢志爲統乾立嗣與姑同
卧起宛如母女今享年八十有奇任亦年六十餘

翟呈鳳妻陳氏舉善都人夫亡時年二十六生子五家
貧甚氏勤紡績撫五子皆成立現年八十六歲

賈廣妻呂氏夫亡時年二十九二子嗣棠印棠俱幼氏
安貧守節撫子成立孫六人曾孫五人現年八十歲
史萬殿妻頡氏祁城村人夫亡時年二十八勤苦紡績
撫子成立現年七十一歲

王宇靖妻張氏修善村人夫亡時氏年二十五子煥彪
甫四歲父母欲其改嫁氏不從堅志守節現年七十
一歲

岳鍾瑗妻胡氏溫曲村人夫亡時年二十一子仁光甫
一歲家貧氏矢志勤紡績撫孤成立現年七十五歲
武裕瓚妻梁氏北團栢人歸夫家生一子早殤而天亡
氏年二十有二以侄子丙炎爲嗣堅節養姑人無間
言現年六十五歲子丙炎邑庠生

武裕瑗妻何氏北團栢人夫亡時年十八矢志守節立

侄子克寬爲夫後孝事舅姑二十餘年皆以壽終現年六十三歲子克寬邑廩生先卒孫嗣

曹善行妻常氏夫亡年十九歲子龍泉生甫三月家計蕭條氏柏舟自矢養姑鞠子乾隆三十四年旌表建坊現年六十四歲

李天助妻高氏北谷豐人夫亡時年二十四氏安貧守節勤紡績撫遺孤子光典光籍皆成立現年六十二歲

范爾康妻郭氏任何堡人夫亡時年二十一遺一子

女子濶方二歲氏撫育子女紡績度日誓不他適現
年六十二歲

戴孜瑜妻時氏夫亡年二十歲遺一子一女氏矢志靡
他現年六十歲子鼎銘庠生

渠法孔妻和氏上曲村舉善四都二甲人生二子長開
江次開漢法孔三十二卒和氏時年二十八歲立志
守節有勸其改適者終不聽乾隆二十八年教諭張
澍額其門曰栢節松年享壽七十有七終

高德玉妻朱氏夫亡時年二十四歲生子守忠尚幼氏

勤紡績教養其子娶媳李氏生二子而守忠又亡氏
泣謂李曰吾家素貧汝若去吾恐高氏一門盡矣李
曰吾效姑耳寧有他志乎姑媳相依至老不輟機杼
朱氏七十三歲卒李今亦六旬餘矣

楊振德妻高氏曉義都人振德與父文星相繼歿時家
貧子幼婦矢志不他適事姑尤孝有隣之長者嘗於
夏月登高窺見婦持枕簟出納涼爽處頃之扶姑就
寢從旁爲搖扇待熟睡乃自就紡績於是不勝嘆服
以爲如婦乃可稱真節孝云

李清唐妻郭氏張庄村人年十七歸李生子萬淮甫在襁褓而夫亡氏年二十七歲誓志守節子稍長最鍾愛少有過督責不稍寬後子入成均家事悉以委之曰子已成立吾無慮矣現年六十有一

武鉉妻呂氏西關廂人少聰明識大體孝事翁姑不違夫子鉉兄弟析居時暗地調停令終不失手足之誼母族中有爭競事善爲排解人稱女中丈夫享年六十有餘生子大榮大昌大綸大烈俱成立

范仲元母溫氏世相都人年二十一歲守節事翁姑以

孝聞

庠生武裕璉妻程氏事姑孝姑性嚴急程氏一以和順承之後姑病卧牀不起者幾十年事之尤謹舉家咸相謂曰孝婦

呂雲翠妻程氏魯村六台三都八甲人夫故時翁姑年邁子五人俱幼氏居貧守節勤女工事雙親克盡孝道教子以義方閭里重氏爲人公贈以額曰姜操孟訓

許崇智妻高氏本城世相二都一甲人夫故時年二十

四歲子懋甫三歲氏立志守節誓不再適年四十四歲卒

武裕理妻戴氏北團栢人夫兄弟四人而氏居長諸叔婚娶皆出其手勤勞備至而存心慈恕中饋益修生子克家等四人皆列膠庠食廩者三命次子三子爲叔兩門立嗣其爲功於武氏者大矣

傅奇賢妻段氏東園圖村人守節時年二十一歲遺子建魁歲尚未週氏孝事翁姑勤撫幼子現年五十三

歲里人賢之

梁灝德妻楊氏白圭鎮人七誠嫻明四德純備有古敬
姜風鄉人欽其壺範以爲迄今所罕觀云

劉仁龍妻凌氏夏家堡人二十七歲守節生子惠遠亦

先氏卒遺孫繼光氏教養成立人稱爲鐘郝復見云

高德山妻孟氏家貧夫趨食遼東氏獨居紡績度日夫
有從子幼失怙恃氏撫育如已出有里中輕儇見其
年少以言相戲氏正色斥之因携從子托其叔姑曰
吾非不欲撫育此子成人以綿高氏一脉但婦人之
義不可忍辱偷生遂自盡邑令朱公爲之詳請以貞

烈 旌表其閭時乾隆十一年也

董其事妻許氏郟北村人夫亡時年二十七子學文甫
三歲家貧親老氏養親撫孤年及七旬子學文亦亡
遺一幼孫媳呂氏誓不再醮姑媳貧苦以女工度日
今許年八十呂亦年五十餘

生員程秉仁妻閻氏東關鎮人夫亡年二十七歲無子
家貧姑老立志守節族人爲之繼嗣名正年恩勤如
已出現年五十九歲

李枝隆妻徐氏北谷豐人年二十而夫亡遺子廷棻甫

歲
敬月氏矢志守節養姑育子備極勤慎現年五十八

李葵妻馬氏九角村人夫亡年二十二歲遺子丕仁氏
矢志勤女紅事姑撫子孝慈著聞現年五十歲

渠汪妻柳氏城南村人夫亡年二十六子進勤尚在提
抱家復貧甚氏立志守節養翁姑撫遺孩勤苦備至
現年五十七歲

趙士範妻閻氏梁村人夫亡年一十九歲子隆昌甫及
期氏誓志守節孝事翁姑撫子成立現年五十歲

孟廷海妻戴氏北團栢人夫亡時年二十一子熾甫四歲矢志撫孤現年五十五歲

郭遇泰妻閻氏新寨村人長夫二歲夫故時年二十方娠三月親識屢勸他適閻答曰夫亡待死禮也豈宜再嫁及生男取名成基基長二十一歲閻氏偶於七月十八日夜夢金甲神人持節至屋言曰上帝憐汝年幼守節命汝主九盤山祀三日後當謝世就職旣醒閻氏以此夢述於家人家人笑不信至二十一月子時無疾逝家貧衣棺不給五日方入歛面色

如生異香滿室人謂其事奇其理常云

渠世興妻范氏本城人興在外日多貧而無子氏孝事翁姑勤女工度日無怨言及夫死甘守苦節誓不再醮

監生郝九域妻連氏年二十八因夫病故斷髮自誓不他適撫孤俱成立長子君錫例貢次君鈇三君錄武庠生孫四國學元瀛生員登瀛餘業儒曾孫五元孫一五世一堂壽八十卒乾隆三十三年旌表建坊渠錫井妻段氏本城人夫故守節遺子同漢尚幼氏善

事翁姑克盡孝養教育孤子成立處兄弟妯娌間數
十年無異言現年八十四歲

趙大觀妻許氏梁村人夫故時年二十一歲繼姪爲子
撫育無異已出事翁姑善承意旨人尤稱其孝云

夏員戴孜善妻程氏程家庄人弱齡歸戴不及四月親
姑棄世遺小姑五歲氏撫養備至舅年老病癱繼姑
主好潔夫從師外就以故侍藥扶持掃除蠶穢一切
皆氏躬治之四十後夫卒二子幼小內勤紡績外理
庶務三十餘年如一日今八十餘歲猶能細針密線

以金縷作花佩散諸曾孫與外孫等其壽且康如此
許光顯妻頤氏大韓村人年二十三歲夫亡在外遺一
男一女氏仰事俯育一身任之現年五十三歲

太學生劉宗堯妻閻氏閻名村人夫故時年二十八遺
子景筠尙幼氏矢志守節事翁姑撫孤子曲盡其道
現年五十歲

喬三公妻程氏曉義都人十七于歸生一子夫歿年二
十三家貧守節舅姑賴以養幼孤恃以成婦道母儀
兩無虧現年七十七歲

梁鉞妻李氏白圭鎮人守節時年二十六歲生子承祖等三人又皆早逝遺孫四泰臣泰交泰鴻泰履皆國學生氏哭夫哭子形僅骨立而內外經紀節節有條壽八十七卒

王愛誠妻戴氏澗村人年二十二夫故遺子憲儒憲學皆幼氏孀居守節教子成立

戴錫顛妻趙氏本城六台都人夫亡守節年二十二歲撫遺子淑周淑賢慈嚴兼盡壽八十三終

增生暢宅中妻孟氏北左村人夫故時年二十二遺一

男一女俱幼氏堅心自守誓不他適事翁姑更以孝聞現年五十六歲

周大德妻頡氏澗村麓臺都人夫故時年二十五歲遺一子尙在襁褓家計蕭然氏矢志守節紡績度日上事舅姑下撫孤兒三十餘年勤勞不倦今三月其舅年八十一歲病臥幾不起氏子周遠趨食在外氏躬侍湯藥掃除糞穢晝夜伺於窗外稍聞呻吟卽趨視閱三月有餘其舅得保無恙而氏轉積勞成病矣鄉人莫不憐之敬之

渠德峻妻宋氏本城舉善坊人素孝舅姑相夫以義因
艱於子嗣遇隣有貧乏者時周濟之不吝有欠負三
百餘金者貧不能償勸夫焚其券後果生一子名漢
昭不數月夫故守節時年二十二歲也

程衍禮妻田氏夫故時年二十一歲遺子孔顏尙在襁
褓氏守節撫遺仰事翁姑曲盡婦道不愧節孝

王惺之妻劉氏本城人年二十六歲夫故守節奉養舅
姑先意承志教二子俊儒正儒俱各成立現年七十
三歲

王榮妻陳氏王村人夫故時年二十一歲家貧勤紡織
度日節事俯育一身任之人以爲苦節之貞云

呂雲文妻曹氏城南村人夫故時年二十三孝事翁姑
義教孤兒現今六十六歲子思尙孫紫宸

武定邦妻邢氏白圭村人夫故時年二十七生二子長
廣盛方八歲次廣心方二歲立志守節治家以禮育
二子俱成立次子入泮氏年六十八終

顏孚乾妻馬氏舉善都人夫卒時年二十一歲止生一
女誓不他適事舅姑孝而能謹撫胞姪承夫宗祧鄉

黨悉推重焉

新續列女

烈女節婦前志綦詳歷代至今可紀者僅百餘人亦
戛戛乎其難之矣茲增已

旌節孝數已倍昔益以未請

旌而爲鄉舉者則不啻倍矣雖死節存孤難易迥別而
不負所天則一也苦節之貞於斯爲盛是豈昔之難
而今之易歟抑惟我

國家久道化成民風丕變故雖婦人女子皆能以禮自
守而誓從一以終一邑如此天下可知吾觀於鄉而

知王道之易易也豈獨一邢也哉

戴富姐戴家堡人戴奇聘女也年十七猶未嫁道光二十七年九月二十日有惡少某突入女室欲污之女拒不從某脅以威拒益力某情急且懼事洩計斃女滅口女遂被傷數十處竟以不屈死獄具 上聞立置某法 勅建氣節千秋坊旌表貞烈至今過者無不感傷

王興英妻渠氏古縣堡人年十九歲夫故氏誓同死遂撫柩自縊時邑侯張賜匾不虧婦節四字以旌其門

和桃鎖妻彭氏上曲村人光緒三年六月初六日夫弟
和世人子忽向氏調姦氏怒罵批其頰並告姑及夫
知飭責改行是月十三日伺嫂獨居復入調姦氏仍
詬罵擲以磚塊世人子怒取柴刀砍傷氏腕及額彭
氏倒地痛罵世人子憤甚遂取鎌刀傷氏胸腹殞命
獄具世人子未及正法已斃府監中爵撫曾公奏請
旌表彭氏節烈云

程大義妻張氏東高堡人年二十四歲夫遠遊久無耗
家貧子幼矢志靡他彈棉織縷爲長久計如是者四

十餘年卒能撫子成立以延夫嗣年七十二歲無疾終

李奇遇妻郭氏西六支村人少事翁姑以孝謹聞二十一歲夫亡族無可嗣以母家胞姪爲嗣卽衛守備銜李廷弼也氏撫孤完節人無閒言道光元年旌表節孝年八十四歲終

王繼猷妻呂氏家無恒產夫賈於外旋以疾卒氏孝翁姑勤操作道光壬辰旌表節孝

武嗣閔妻程氏北團柏村人二十七歲夫亡親年垂暮

遺孤七齡氏能仰事俯育曲盡孝慈教子天衢砥行
成業時年六旬有餘公擬請 旌節孝

郝錫光妻渠氏三合村人二十三歲守節道光二十二
年 旌表節孝七十一歲卒

郝丕謨妻張氏三合村人二十八歲守節道光二十二
年 旌表節孝六十八歲卒

渠映山妻范氏二十五歲守節舉人李如蘭爲作懿行
序道光乙未 旌表節孝卒年五十二歲

高展翻妻郝氏谷戀村人道光甲申年奉 旨 旌表

節孝

周泰寬妻王氏下閭燦村人夫亡時年二十一歲事姑撫孤力勤紡績外人罕識其面卒年七十餘歲道光癸巳旌表節孝

申五典妻趙氏下閭燦村人二十一歲守節孝親訓子備歷艱辛卒年七十一歲道光壬午旌表節孝

楊天倫妻張氏豐澤村人二十九歲守節八十五歲卒咸豐三年旌表節孝

楊呂氏豐澤村人卒年六十九歲咸豐三年旌表節

孝

武維英妻邢氏東高家堡人夫故時年二十一歲守節三十餘年未嘗輕出戶庭孝孀姑撫子成立卒年七十二歲咸豐五年旌表節孝

楊支履妻王氏守節三十四年卒年五十八歲咸豐五年旌表節孝

王朝碩妻范氏青年守節事姑教子身任家政者三十餘年子丕謙歲貢生讀書成名母力居多平生布衣疏食而周急不少吝咸豐七年旌表節孝

韓鋼妻馮氏左東林人年十九歲夫故守節八十年勤
紡績訓子孫壽臻百歲無疾而終咸豐八年 旌表

節孝

張印川妻成氏東陽翼人三十二歲孀居教子貽慧成
名卒年七十餘咸豐己未 旌表節孝

梁天相妻王氏白圭鎮人嘉慶十九年夫亡氏年二十
一歲子立地僅一歲奉舅姑撫遺孤計守節五十年
七十一歲卒咸豐十一年 旌表節孝

唐廣桐妻劉氏唐家河人二十三歲守節又二十餘年

十同治元年 旌表節孝

閻朝芝妻梁氏邢城村人守節時年二十七歲家貧子
幼氏竭十指力以供兒讀數十年間辛苦備至子賴
以成卒年七十四歲同治二年 旌表節孝

程大全妻呂氏夫亡時翁姑已歿止有前妻子本峻在
襁褓中撫恤過於所生自孩提至於成立皆氏之力
無何本峻亡妻妾皆有遺腹並生男氏復撫孫成人
同治壬戌氏年六旬 旌表節孝

太學生唐珠照妾姬氏唐家河人二十歲守節七十歲

卒同治三年 旌表節孝

張蔚和妻胡氏城趙村人年二十一歲堅守苦節竟至

失明卒年六十三歲同治三年 旌表節孝

岳元龍妻武氏二十七歲守節同治三年 旌表節孝

渠長溥妻李氏本城世相都人道光六年守節時年二

十九歲同治三年 旌表節孝卒年七十四歲

吳天則妻王氏任村人道光元年夫故氏年二十七歲

計守節四十三年公請 旌表節孝

副榜馬掄元妻劉氏段家窰人夫早世氏年二十九歲

子名閑時甫九歲教之有方臨終誡之曰乃父讀書數十年僅中副車可知顯揚有數汝孤身不必急功近名惟矜貧恤寡乃吾素願汝能勉此吾目瞑矣歲丁丑大饑閑遵母言賑濟村人氏年五十卒計守節二十一年同治三年旌表節孝

田致雨妻呂氏任村人三十九歲守節五十歲終同治五年旌表節孝

王德智妻張氏修善村人夫故時氏年二十二歲守節撫孤仰事翁姑卒年七十三歲同治五年旌表建

坊

王大傑妻周氏修善村人夫故時氏年二十七歲守節

事姑教子成立現年七十二歲同治五年 旌表建

坊

張光宗妻李氏上段村人夫故時年二十八歲守節三

十四年終同治五年 旌表節孝

郝開元妻薛氏上段村人夫故時年二十八歲守節三

十四年同治五年 旌表節孝

袁起通妻張氏賈令鎮人夫亡時年二十五歲姑撫子

同治五年 旌表節孝現今八十九歲

申世德妻趙氏申村人乾隆五十五年二十七歲守節道光二十四年卒年八十一歲 子登鳳妻閻氏

嘉慶十七年年二十七歲守節咸豐七年卒年七十

三歲 孫玉隆妻閻氏道光十年年二十六歲守節

同治九年卒年六十六歲同治五年 旌表三世節

孝

張國寶妻韓氏城趙村人年二十六歲守節以姪敬信

承祧復不永年敬信妻郭氏年二十三歲守節孝姑

三十餘年一門雙節均於同治五年 旌表節孝

范舒芝妻高氏樸村人道光十六年夫故氏年十九歲
計守節三十一年公請 旌表節孝

李廣功妻蘇氏城趙村人二十一歲夫亡遺腹生子氏
撫孤孝親逾三十年同治五年 旌表節孝現年五
十四歲

原富蘭妻溫氏夫故守節計四十年同治五年 旌表
節孝

羅光相妻武氏會善村人守節三十五年同治五年

旌表節孝

馬汝驥妻程氏高村人夫亡時年二十六歲事親撫孤五十九歲卒同治五年 旌表節孝

馬錫輿妻麻氏高村人夫亡時年十五歲繼伯氏子爲嗣三十三歲卒同治五年 旌表節孝

馬維康妻李氏高村人夫亡時年二十六歲繼姪爲嗣六十八歲卒同治五年 旌表節孝

營千總李紹密妻高氏秦村人夫早逝氏上事孀姑下撫子女又教二子以孝祖母姑嘗自慰曰家有孝婦

孝孫吾無憂矣年五十八歲卒同治五年 旌表節

孝

國子監典籍李助妻馬氏秦村人夫亡無子閨門嚴肅
雖至親不能輕覲其面以胞姪登春爲嗣撫養無異
已出同治五年 旌表節孝年六十四歲卒

許建哲妻郭氏秦村人夫亡時二十七歲翁老子幼女
甫三歲氏勤紡績以資俯仰子女克成現年六旬同
治五年 旌表節孝

李承烈妻郝氏城內人夫亡時年二十八歲同治五年

旌表節孝現年六十五歲

渠邦化妻任氏白圭村人同治五年 旌表節孝

渠邦相妻陳氏白圭村人同治五年 旌表節孝

渠家祿妻王氏白圭村人同治五年 旌表節孝

武之感妻李氏白圭村人同治五年 旌表節孝

渠映璧妻胡氏白圭村人同治五年 旌表節孝

郭順通妻陳氏守節時年二十七歲無嗣繼姪爲嗣孝

事翁姑撫子成立同治五年 旌表節孝

郝亮采妻陳氏三合村人守節二十餘年同治五年

旌表節孝

范培祥妻渠氏三合村人守節二十二年同治五年

旌表節孝

楊朝盈妻胡氏豐澤村人守節二十二年四十九歲

卒同治五年 旌表節孝

王德榮妻張氏王喬村人同治丁卯年 旌表節孝

廩生高錫經妻韓氏谷戀村人同治丁卯年奉 旨旌

表節孝

高錫統妻楊氏谷戀村人同治丁卯年奉 旨旌表節

孝

高昭相妻羅氏谷戀村人同治丁卯年奉 旨旌表節

孝

安慶妻霍氏九角村人二十三歲守節六十七歲卒同

治六年 旌表節孝

吳彩章妻楊氏任村人二十九歲守節五十七歲終同

治七年 旌表節孝

溫名譽妻呂氏大賈村人幼事姑孝夫亡時氏年二十

四歲教子有法現年六十一歲同治七年 旌表節

孝

溫名寶妻程氏大賈村人年三十歲夫亡事姑教子現年七十一歲同治七年 旌表節孝

溫光慶繼妻韓氏大賈村人孝事孀姑年二十九歲守節撫孤艱苦備嘗現年五十五歲同治七年 旌表

節孝

閻瓏妻高氏賈令鎮人夫亡時姑老子幼子病亡依姪廩貢生全吉卒年八十有二同治七年 旌表節孝

閻瓏妻康氏賈令鎮人廩貢生全吉之母年二十三歲

守節事姑卒年三十有八同治七年 旌表節孝

覃恩贈修職郎李岐鳳之妾張氏 贈孺人中年守節

六十一歲卒同治年 勅旌節孝子芬教諭芸庠生

郝希斌妻梁氏三合村人二十三歲守節同治七年

旌表節孝現年六十四歲繼汝卿爲嗣

張孚達妻李氏城趙村人年二十六歲撫孤守節孝姑

現年六十三歲同治七年 旌表節孝

南樹棠妻胡氏段城村人守節二十餘年同治七年

旌表節孝

千總羅繕之妾張氏會善村人年十八歲守節至六十

二歲卒同治七年 旌表節孝

張齊旺妻劉氏東陽翼人三十歲夫亡守節撫孤逾二

十年同治七年 旌表節孝

張貽芳妻楊氏東陽翼人二十四歲守節安貧撫孤同

治七年 旌表節孝卒八十四

張子儀妻程氏東陽翼人守節五十八年同治七年

旌表節孝卒年八十八

申致發妻陳氏下閭燦村人夫亡時年二十七歲孝事

翁姑勤撫遺孤卒年六十二歲同治七年 旌表節

孝

渠通微妻李氏本城人二十孀居事姑教子兼通醫學

施藥療病未嘗出門卒年五十五歲 旌表節孝

監生岳培楨妻高氏賈令鎮人年二十八歲夫亡守節

十二年卒同治七年 旌表節孝

翁生岳培檉妻麻氏賈令鎮人年二十四歲夫亡守節

十一年卒同治七年 旌表節孝

訓導劉機妻車氏守節二十二年同治七年 旌表節

孝

劉璜妻孔氏守節二十二年同治七年 旌表節孝

試用訓導劉運修妻梁氏同治七年呈請 旌表節孝

賈秀春妾劉氏左東村人年二十九歲夫故遺腹子鳳

翥育養成人守節三十五年同治七年 旌表節孝

賀大廷妻馬氏溫曲村人夫亡守節二十餘年年四十

九歲卒同治七年 旌表節孝

賀天叙妻趙氏溫曲村人年二十守節祖翁姑皆七十

餘歲氏奉養十年不衰教子寬嚴有法現年六十六

歲同治七年 旌表節孝

岳正魁妻郭氏溫曲村人現年六十歲計守節三十年
同治七年 旌表節孝

梁夢龍妻閻氏白圭村人乾隆五十九年夫故氏年三十歲子佩琛僅六歲事親教子年四十六歲卒同治七年 旌表節孝

誥封中憲大夫梁佩璽妾渠氏白圭鎮人道光二十一年夫故氏年二十八歲子五歲佐嫡撫孤善事舅姑
現年六十七歲同治七年 旌表節孝

梁儼祖妾趙氏白圭鎮人嘉慶十三年夫故氏年二十
五歲子夢儀六歲嫡善病氏事惟謹撫孤成立治家
有法年六十五歲卒同治七年 旌表節孝

梁佩璧妻段氏嘉慶二十年夫故氏年二十八歲無出
事姑撫遺備歷艱辛子崇禮娶白氏十歲而崇禮亡
生殿恭時白氏年逾三十與姑同志撫孤後殿恭娶
妻白氏年俱二十而亡無嗣段氏六十七歲卒計守
節三十九年媳白氏六十二歲卒鄉里咸稱爲雙節
云同治七年均請 旌表節孝

王丕熙妻高氏南社村人二十歲夫亡守節撫孤奉

旨旌表節孝

從九品武德誥妾張氏夫亡時年二十四歲撫正室遺
子名廣衡早逝繼姪孫占鰲爲嗣邑武生同治七年
旌表節孝

馬來賓妻董氏高村人夫亡時年二十八歲生遺腹子
培豪年七十七歲卒同治五年 旌表節孝

程大助妻周氏秦村人夫亡時年二十三歲子本萃尙
在襁褓撫育成人同治年 旌表節孝年五十四歲

卒

武生程兆麟妻王氏秦村人夫亡時年二十九歲撫子

大醕成人道光十九年旌表節孝七十一歲卒

楊應昌妻馬氏豐澤村人二十八歲守節勤撫遺孤孝

事舅姑年六十歲卒同治七年旌表節孝

舉人韓建周妻楊氏西關廂人二十八歲守節孝翁姑

撫兒孫勤儉和順現年六十二歲旌表節孝

劉思友妻王氏李家堡人三十歲孀居子三人俱幼氏

堅志撫孤後長子履中入泮次三俱成立年至七旬

終同治八年 旌表節孝

羅欽妻盧氏會善村人守節時二十九歲同治十年年
六十歲 旌表節孝

舉人張國賓妾安氏東陽翼人守節四十餘年同治十
一年 旌表節孝卒年七十一

渠天錫妻暢氏白圭村人 旌表節孝

楊牂妻羅氏豐澤村人守節四十二年七十二歲卒已
經 旌表節孝

楊天祿妻王氏豐澤村人守節二十九年五十七歲卒

已經 旌表節孝

渠秉仁妻時氏北園柏人性孤潔少多病二十三歲適秉仁爲繼室于歸八十一日而寡家貧守節五十九歲卒光緒四年學憲朱公給匾 旌表

范祚昌妻楊氏北園柏人嫁未三年而寡履不出戶者三十餘年善女工家貧藉以自活卒因勞瘁失明光緒四年學憲朱公給匾 旌之

程致寬妻王氏東觀鎮人二十一歲夫亡遺孤尙穉氏紡織度日撫孤成人已卯年請 旌節孝年將七十

矣

監生張效程妻王氏城內人夫亡時年二十二歲現年四十九歲 旌表節孝

武晉璧妻程氏北團柏村人夫亡時年二十九歲守節撫孤二子咸成立年七十六歲卒學憲朱公給匾嘉之

孟集成妻武氏北團柏村人二十六歲守節婦道母儀矜式鄉里學憲朱公給匾嘉之

武克泰妻伍氏北團柏村人二十二歲守節治家有法

撫兄遺子如已出年五十五歲卒學憲朱公給匾嘉之

頡長年妻渠氏年二十八歲夫亡無子祖姑及姑皆孀居慟甚氏哀慰之誓不他適乞爲再堂弟納妾踰年生一男卽繼爲嗣氏養老慈幼曲盡心苦侍姑病衣不解帶祖姑踰八旬奉養尤勤兩經喪葬盡哀盡禮子成立娶媳生孫計守節四十餘年教諭王公表其門曰冰雪清操

郝維泗妻郭氏長頭村人十九歲夫故遺子聚元方在

襁褓氏苦志存孤親操井臼姑性嚴氏能得其歡心
現年七十三歲學憲表其門曰節堅松柏

梁愷妻陳氏南杜村人舉人豫之祖母也夫亡時年二
十九歲遺孤甫十月矢志靡他上奉太姑孀姑恩勤
彌至撫遺孤成人延嗣且能推食食族姪輩而自甘
粗糲故親族皆稱曰好心人後以子國柱九品銜贈
孺人以孫杰枋六品銜晉贈安人卒年八十有二曾
孫八人入邑庠者二元孫森立人咸稱爲節孝之報
云

李桂林妻胡氏東沙堡人年二十七歲夫逝守節孝養
翁姑教子時英入泮嘉慶十五年黃學政獎以匾曰
節備孝慈年七十一歲卒

段廷槐妾曹氏南社村人年二十四歲守節以姪廣生
爲嗣慈愛無異所生並撫諸孫成人後廣生援例貢
成均孫入武庠卒年六十六歲猶及抱曾孫云

舉人張國賓妾王氏東陽翼人年二十歲孀居性儉樸
撫子貽組成立守節三十七年年五十六歲卒

張翎妻楊氏東陽翼人年二十九歲守節孝翁姑撫幼

子年六十七歲卒

張樹本妻閻氏東陽翼人年二十七歲夫故撫子齊達
齊旺成人守節二十九年年五十六歲卒

趙中樞妻閻氏梁村人善事翁姑夫故時年十九歲生
子彌月完節存孤克勤克儉身不下機者三十餘年
年五十一歲卒

陳廣妻高氏邠城村人家貧孝姑無子繼姪必隆為嗣
教養兼至守節四十六年年八十二歲卒

周本廣妻趙氏閻燦村人守節時一十九歲至五十七

神廟志
卷十
歲卒

閻朝傑妻范氏祁城村人守節時年二十九歲有子名茂甫七歲長遵母教中壬午科舉人選潞城縣訓導氏年九十三歲卒

史光彩妻范氏守節時二十一歲至八十歲卒
史誠妻陳氏守節時二十九歲至七十三歲卒

李永信妻孔氏北谷豐人三十四歲守節勤機杼撫幼子尤好善聞有難產之婦卽自至其家爲之保護現二子已成立年七十八歲矣

許永貴妻武氏北谷豐人年二十一歲守節家貧無子
勤操作孝翁姑姑嘗語人曰我得此婦實出意外冬
溫夏清乃其常事最難得者荒年困苦日不聊生婦
竟慘澹經營寢食俱廢以一女子力養我白髮二人
俾無饑寒之患苦節苦孝久而愈堅聞者莫不感慨
謂非他人所能及

賈恭妻董氏城南村人守節時年二十九歲無子以姪
克華爲嗣氏勤紡績佐子讀書子漸長每見機旁涕
淚滿地心感慟遂棄儒就商服賈遠方氏仍織棉自

活二十餘年年逾六十子始能養布衣蔬食宴如也
卒年七十有二

張鵬年妻胡氏城趙村人二十九歲夫故守節幾二十
年卒子映垣妻任氏亦二十一歲守節三十三歲卒
人稱爲一門雙節云

楊堅妻王氏麓臺三都五甲人夫故時年二十六歲卒
年五十九歲氏性剛正克盡婦道夫遺一子名時雨
生六月氏矢志撫孤稍長卽延師課讀俾克成立

郭殿元妻李氏北左村人二十九歲守節卒年七十九

歲

趙九如妻何氏閩名村人夫亡時年二十九歲貞靜守節孝養翁姑撫四子俱成立同治三年卒

張秉信妻郭氏北左村人二十五歲夫故遺一子光宇氏甘心守節侍姑病無少懈現光宇入武庠人以爲節孝之報云

劉印源妻程氏來遠鎮人二十九歲夫故時氏已有娠焚香祝天祈生男以續宗嗣是年果生一子氏撫養成人卒年六十七歲守節三十八年

戴復之母楊氏年三十孀居孝姑貧無升斗儲族人爲
饋柴米氏深謝曰妾薄命願以針指營生且節自當
苦何多饋爲日事女紅勤儉教子現姑沒子成氏年
已七旬矣

郝應智妻高氏長頭村人二十九歲夫故守節玉潔冰
清現年七十四歲人無間言

張椿妻邢氏白圭鎮人善事翁姑夫婦相敬如賓二十
七歲夫亡姑最嚴氏能委曲承順得其歡心盡孝全
節現年六十二歲

高五慶妻張氏素嫻閨訓年二十二歲夫故遺一子尙
孩提氏撫孤守節年七十三歲卒

程步鰲妻馬氏夫亡時年二十三歲守節一十七載撫
子成人卒年四十歲

喬祖謙妻劉氏喬家堡人嫻女儀盡婦道事舅姑尤孝
謹二十九歲夫亡有遺孤二俱幼氏持家有法教子
有方次子晉相入邑庠氏年四十五歲卒撫孤完節
人無間言

李煥章妻郝氏秦村人夫故時年二十四歲孝事翁姑

教育子孫以針指度日貞名著於一鄉計守節四十三年現年六十七歲

閻俊林妻王氏許子八洞人守節三十六年勤儉度日孝事翁姑七十四歲卒

賈愷真妻馮氏左墩村人二十六歲夫亡守節持家勤儉教子有方現年六十有二

生員武尙文妻高氏東高堡人夫亡時年二十一歲有三子皆幼氏守節孝姑撫三子皆成長葆疇入邑庠現年五十五歲矣

喬德湧妻程氏喬家堡人年二十二歲守節家中資
侍姑至孝撫子永謙成立年五十二歲終

邵秉祿妻袁氏左東村人二十八歲夫故守節一十七
年紡績度日勤儉持家年四十餘卒

韓廣誠妻邵氏東山頭村人夫亡時年一十九歲立志
守節翁姑知其賢爲養一子以慰其心氏勤紡績事
翁姑苦心孤詣三十年如一日今翁沒數年姑猶病
在床禱氏盡孝養積年不懈人稱爲真節孝云

高士恒妻許氏北谷戀村人夫亡時年三十一歲無子

繼姪爲嗣旋卒家無恒產紡織度日現年六十一歲
張中元妻程氏大賈村人年二十六歲守節子甫周歲
女纔五齡氏孝翁姑撫孤成立兼撫二歲幼姪一如
己子年六十二歲卒

段學貴妻武氏夫亡時年十八歲有遺腹兄嫂不知勸
再醮氏託病堅辭迨生男取名英氏勤苦撫孤家舊
小康後病彌留英以未請旌爲憾氏乃言曰守節存
孤吾之分也豈爲旌哉年七十餘卒

高培緒妻程氏北谷戀村人夫亡時年二十七歲無子

繼姪爲嗣現年六十九歲守節數十年人無間言

武振鰲妻李氏夫亡時年二十二歲翁老姑沒子甫四
齡氏孝翁撫孤子長娶媳許氏生孫六歲而子亡時
許氏二十四歲與姑同志守節年三十六歲亦亡氏
勤紡織撫孤孫成立卒年七十有二而曾孫已五人
焉

王慶壽妻溫氏修善村人夫亡時年二十八歲姑老子
幼家無生業氏以女工養姑育子教二子成立次子
泰來已入邑庠現年六十六歲

王朝富妻陳氏修善村人夫亡時僅十七歲有娠三月人未之覺或勸改適氏曰夫亡待死禮也忍再嫁乎及生男取名頂世貞堅礪節紡織存孤現年七十歲里人賢之

閻建雄妻渠氏祁城村人夫亡時年二十九歲遺子紀直方在襁褓氏矢志守節撫孤成立卒年五十九歲閻正榮妻程氏祁城村人夫亡時年二十六歲無子撫姪紀元爲嗣教養一如己出尤孝舅姑和妯娌四十餘年人無間言現年六十八歲

張現廣妻喬氏西六支村人生二子而夫亡時年二十八歲上事翁姑下撫二子七十九歲考終鄉里均稱節孝云

李兆山妻張氏西六支村人家貧甚氏無怨言二十八歲夫亡遺子永年甫七齡氏忍飢撫子以針指度日子長衣食稍裕今已八旬步履猶健

副榜朱芾妻程氏東六支人夫亡時年二十六歲生二子皆數歲氏堅志守節教子成立年七十九歲卒

龐錦繡妻梁氏北梁村人年二十二歲守節撫孤事姑

元鼎志 卷一
克孝現年五十歲

申啟光妻薛氏城趙村人孝姑敬夫夫亡遺一女紡織
延生苦志守節現年七十餘歲

監生袁永祥妻程氏閻漫村人年十九歲夫亡守節事
姑無嗣繼姪麟爲子年六十六歲卒

段德元妻趙氏南社村人年二十五歲守節勤儉敦厚
內外稱賢撫子九齡錫齡成立卒年五十歲

武丕承妻吳氏北團柏村人年二十一歲守節習勤勞
惡暇逸問之則曰不願坐食聊以解憂耳現年六十

一歲

武克慈妻楊氏北團柏村人年二十四歲夫亡撫孤完節卒年百有四歲

渠兆昌妻楊氏北團柏村人年二十八歲守節事姑以孝聞現年五十五歲

盧普生妻高氏沙堡村人年二十六歲守節家貧親老子幼人勸改適氏終不移孝翁姑勤紡織訓子有方數十年不窺嬉戲之事每朔望拜斗祝翁姑耄壽後果如其言人以爲孝心所感卒年五十一歲子敏性

敬惜字紙人呼爲盧善人云

李樹林妻翟氏本城人二十八歲夫故守節事姑二十
三載撫子士珍成立撫姪女一如已出現年五十二
歲

范秉醕妻羅氏本城人二十五歲夫亡計守節三十七
年現年六十二歲

張貽給妻程氏東陽翼人夫亡時年二十八歲親老子
幼氏事姑撫子備歷艱卒計守節一十九年卒年四
十六歲

羅貺錦妻崔氏會善村人夫亡時年二十七歲守節五十六年卒年八十三歲嘉慶二十四年學憲周給匾旌之

羅瑜錦妻李氏會善村人年二十九歲夫故撫子成立守節四十九年卒年七十八歲學憲俞給匾旌之

羅建宇妻呂氏年二十歲夫亡守節五十二年卒年七十二歲道光二十六年學博崔給匾嘉之

溫訓光妻閻氏年二十二歲夫亡守節三十年年五十二歲卒

渠敏妻王氏夫亡時年二十七歲守節四十七年卒年七十四歲

馬建超妻周氏三合村人年二十歲夫故守節五十三年卒年七十三歲

羅映蟾妻韓氏會善村人夫故守節四十六年卒年六十餘歲

閻彬妻張氏夫亡時年一十八歲守節二十一年卒年三十九歲

渠秉義妻李氏白圭村人生平樂善好施享壽一百有

三歲

武天眷妻陳氏菩薩村人夫亡時年二十七歲勤苦度日孝姑樂施親族有急典衣以濟子俊中年亡媳孫氏三十一歲守節有幼子名永清撫寡媳孤孫艱苦備嘗媳年五十四歲今尚存氏年七十四歲卒人稱爲雙節云

閻丕承妻戴氏會善村人夫亡時年一十七歲守節二十一年卒年三十八歲同治二年旌表節孝

楊文震妻董氏年三十歲夫故守節四十八年年七十

八歲卒

翰林院孔目程世宏妻楊氏大桑村人夫亡時年二十九歲守節三十一年道光二十九年旌表節孝氏

嫻姆訓佐夫理家已惡衣食而堂上甘旨無缺夫病篤願以身代及卒慟不欲生姑泣慰之乃止姑患泄氏侍藥澣衾衣不解帶者年餘沒則盡哀盡禮祭祖先亦必誠必敬撫三歲遺孤教養兼至俾克成立人有語以請旌者輒泣然曰守節吾分內事藉以邀名非吾志也其安貞有如此者

贈文林郎渠成峻妻許氏塔寺村人年十九歲適成峻
爲繼室舉一子逾月而夫亡氏矢志靡他事舅姑撫
遺孤艱苦守節近三十年積勞成疾卒年四十九歲
同治壬戌 旌表節孝子丕烈登賢書官高平縣教
諭贈孺人

胡煥妻劉氏城南門外人夫亡時年二十歲事姑撫子
艱苦備嘗守節二十七年卒年四十七歲

閻聚斗妻王氏王斜村人光緒六年 旌表節孝

韓維樞妻李氏

高步鑾妻胡氏

唐永植妻武氏

孔慶隆妻錢氏

渠昌泰妻馬氏

楊魁妻武氏

申漢詔妻陳氏

張敬信妻鄣氏

范鳳智妻劉氏

薛殿光妻高氏

董思堯妻趙氏

胡家垣妻李氏

董昌基妻申氏

溫敦化妻張氏

頡登華妻馬氏

趙炳妻馬氏

曹子誠妻渠氏

戴永亨妻李氏

王培仁妻郝氏

王國春妻武氏

王光庭妻薛氏

王學時妻閻氏

武膺揚妻王氏

賀大楨妻王氏

武應元妻侯氏

趙傑妻李氏

鄣壽山妾翟氏

劉建義妻武氏

程大傳妻張氏

杜向勤妻渠氏

馬士駿妻羅氏

喬勵金妻李氏

白錦富妾閻氏

王德治妻張氏

許大任妻鄣氏

陳起鳳妻范氏

頡善治妻賀氏

趙三捷妾李氏

原沂妻渠氏

董思益妻王氏

孔廣岐妻王氏

戴麟書妻薛氏

郝保俊妻渠氏

王旺妻武氏

傅大恩妻王氏

郝如琇妻成氏

李貴山妻權氏

馬靖邦妻武氏

鄧嗣汾妻孫氏

顧九錯妻鄧氏

劉步月妻趙氏

李時妻時氏

許志德妻閻氏

桑玉堂妻劉氏

董彙泰妻高氏

張公翰妻趙氏

弓承恩妻閻氏

郝玉珍妻范氏

許仁妻原氏

張士遠妻閻氏

閻柱妻喬氏

康維周妻閻氏

喬家傑妻王氏

范其瑞妻龐氏

胡永齡妻高氏

鄧奇禹妻劉氏

岳培樞妻楊氏

呂塏妻閻氏

王錫紳妻趙氏

馬毓琬妻李氏

許錫妻楊氏

呂養正妻頡氏

段晃妻呂氏

常一典妻范氏

溫裕榮妻祝氏

史傳和妻趙氏

閻 琮妻李氏

馬過隆妻翟氏

傅殿光妻張氏

段樹林妻魏氏

王朝宗妻康氏

韓世志妻董氏

喬天寵妻邵氏

桑慶德妻鄭氏

魏本成妻賀氏

原 晟妻閻氏

王子瑜妻楊氏

渠夢熊妻孟氏

渠廷亮妻武氏

渠夢花妻任氏

韓 鐸妻劉氏

李同部妻杜氏

李長泰妻戴氏

王之翰妻秦氏

渠芬妻王氏

段燧妻高氏

呂致道妻劉氏

溫庭瑞妻周氏

楊培源妻閻氏

周正本妻楊氏

杜鵬年妻袁氏

杜長壽妻渠氏

溫名科妻孫氏

李鶴鳴妻呂氏

王超年妻張氏

馬成富妻武氏

溫爾威妻鄧氏

王柏齡妻趙氏

王聰慧妻閻氏

溫有富妻申氏

李義建妻程氏

郝建域妾宋氏

温如玉妻呂氏

武 綉妻周氏

崔萬林妻任氏

梁慎修妻楊氏

杜浴宏妻喬氏

羅映泰妻范氏

鄧順週妻閻氏

范 彪妻李氏

劉明禮妻柳氏

馬聲揚妻徐氏

張六行妻馬氏

范自禮妾甯氏

段 忻妻董氏

張貽儒妻王氏

申映斗妻范氏

唐廣珍妻趙氏

唐廣旺妻劉氏

溫步高妻朱氏

秦永泰妻頡氏

郃泰交妻范氏

閻希舜妻李氏

程杰妻楊氏

史富剛妻閻氏

閻殿邦妻郃氏

右韓李氏等壹伯叁拾陸人俱同治間

勅旌節孝

刑部

藝文一

詩陳唐魏而考晉風書法董狐而稽晉乘藝文固詩
史之遺亦志乘之先資也六朝以還鵬舉仲淹摩詰
飛卿皆以文鳴海內然發揮於故鄉風物者絕堪愛
自晉唐制詔下訖今茲韻語散行分類裒集而凡城
郭宮室山川民物世變風移靡不燦陳百里之邑具
千古之規也志藝文

制

音

成帝冊溫嶠制

朕以耻身纂承洪緒不能光闡大道化洽時雍至乃狂
狡滔天社稷危逼惟公明鑒特達識心經遠懼皇綱之
不維忿凶寇之縱暴倡率羣后五州響應首起戎行元
惡授馘王室危而復安三光幽而復明功格宇宙勲著
八表方賴大猷以拯區夏天不憝遺早世薨殂朕用痛
悼於厥心夫褒德銘勲先王之明典今追贈公侍中大
將軍持節都督刺史公如故賜錢百萬布千匹諡曰忠
武祠以太牢

唐

代宗授王縉侍中兼河南都統制

門下天地之德資陰陽以成功帝王之道任將相而興
化聿求左輔命掌元戎必藉文武之才用經軍國之務
具官王縉有高妙之行有宏達之識學該古訓文正國
風夢帝賚予濟川用汝百揆時叙四維克張累陳造滕
之言彌契沃心之道濱海之右自河而南王旅攸同戎
車殷會監於方伯之國利用建侯之司天將息人予有
禦侮鎮漢沔淮淝之地統齊梁魯鄭之軍總制高牙紀

綱羣帥宏七伐四征之策成一匡九合之功式遏外虞
底綏多難將授銅符之律爰咨鎖闥之謀往哉汝諧無
替朕命可侍中持節都統河南淮南淮西山南諸道節
度行營事仍進封郡公食邑二千戶餘並如故

詔

唐

賜王縉詔

卿之伯氏天下文宗位歷元朝名高希代抗行周雅長
揖楚辭調六氣於終篇正五音於逸韻泉飛藻思雲散

襟情詩家者流時論歸美誦於人口久嚼文房謨以區
風宜登樂府眎朝之後乙夜將觀石室所藏歿而不朽
栢梁之會今也則亡乃眷棣華克成編錄聲猷益茂歎
意良深

勅

明

英宗勅義民王昶郝希敏

正統六年

國家施仁養民爲首爾能出一千一百石用助賑濟有
司以聞朕用嘉之今特賜勅獎諭勞以羊酒旌爲義民

仍免本戶雜泛差役三年尚允蹈忠厚表勵鄉俗用副
朝廷褒嘉之意欽哉故勅

武宗勅巡按陝西監察御史閻睿

正德二年

各邊倉場每歲官銀糴買并開中徵收各項糧料草束
姦弊多端致誤邊計今特命爾同給事中張賢前往甘
肅洮河岷州等處督同布按二司管糧官員將各倉庫
草場一應糧料銀兩草束布色錢鈔等項弔取各年收
放卷簿自先次差官查盤以後逐一盤驗每年收支過
若干見在若干俱要目數明白若有陳腐糠粃溼爛不

堪之數并虛出盜賣虧折等弊即時該問人犯行提問
罪監追應奏請者具罪孳問或有陞調及脫逃等項亦
要挨究干礙監臨及管糧等項官員叅奏處治合用監
糧軍夫就於所在官司取撥扣筭餘耗照依戶部節次
議擬奏准事例施行其會官賞功等項支用銀兩一體
查盤務見明白爾等受此委任務在躬親如法盤驗不
許指厭指庫指塚虛應故事自取罪責事完將盤追過
糧料銀兩草束等項數目并問過人犯造冊奏繳爾其
欽承毋忽故勅

朝廷以兵備爲急務每三年一次閱視但事久因循漸至怠玩今又及二年之期以爾巡按一方特命就彼閱視甘肅等處爾須查照兵部題准事理躬親巡歷各該地方將官軍馬匹器械什物墩臺城堡等項一應邊務逐一點視看驗畫圖貼說備造文則及大小將官賢否從公訪察此外有無別項失悞事情通行具實奏來以憑處治中間廢弛政務應該更張損益小則從宜區畫大則開具款目奏請定奪爾尤須秉公持正殫心竭力務俾宿弊盡除邊備修舉毋或徇情虛法虛應故事自

取罪愆爾其慎之慎之故勅

勅浙江海道副使簡睿

正德六年

朕惟浙江地方接連海島倭寇不時出沒巡海之職實
爲重大今特命爾巡閱沿海地方兼理邊儲仍會同總
督備倭官計議提督軍伍備倭捕盜等項官員管督官
軍人等修築墩臺關堡教示水戰武藝遇有寇盜出沒
就便相機剿捕嘗須嚴禁官豪勢要之家不許用雙桅
大船下海引惹倭賊凡海道一應詞訟自行提問理其
所委官員若有怠忽偷安廢弛兵備私殺軍士尅減月

糧科歛財物害人等弊及官員縱容才潑軍民兜攬錢糧通同官攢人等虛出盜賣等弊該問人犯爾卽拏問應奏請者具實奏請處治其餘合行事務聽從宜區畫若事干重大者仍行鎮守巡按等官從長議處毋或徇私况爾受朝廷簡命尤須持廉秉公以身率下夙夜盡心籌畫整飭務使糧儲足備軍民安妥庶稱任使若因循苟且致誤兵備邊境不寧必加罪責爾其慎之故勅

神宗勅諭署工部都水司郎中事行人司司正李

憲

萬歷四年

本會爾前去通州住劄督理通會閘河并天津一帶
河道往來提督所屬軍衛有司掌印管河及閘壩等項
官員人等用工挑濬淤淺修築堤岸務使河道疏通糧
運官民船隻往來無阻其應出辦椿草錢糧查照原額
數目及時徵解完足頓貯停當以備應用出納之際仍
要稽查明白毋容所司別項那用各該管河官員常川
在河不許營求別差亦不許別衙門違例差遣若遇河
水泛漲衝決隄岸各照地方卽時修理如或工程浩大
人力不敷量起附近軍民相兼用工事畢卽行放回一

應興利除害有益河道事宜悉聽爾從宜處置若該管地方軍衛有司官員人等敢有徇私賣法賣放夫役侵欺椿草通同剝船占塞河岸勒剝客載等弊及怠肆不服調度致悞漕運者輕則量情罰治重則拿問如律文職五品以上并軍職指實叅奏其地方人等及勢要之家有盜決河防聽爾徑自拿問中間事體重大及事干漕運撫按衙門亦要公同議處具奏定奪每年終通將役過人夫用過錢糧修理過工程各數目及該管掌印管河等官賢否俱造冊送部查考其蘄州等州縣葺課

亦要查照該部題准事例比較催督徵收每年十月以
裏解完年終造冊奏繳若各州縣敢有違慢及徵解不
前者呈部叅奏治罪其通州修倉并磚木等廠事務仍
命爾兼理爾宜悉照本部題准事宜盡心經畫三年滿
日差官更替爾受茲委用宜加勤慎修舉衆務以稱任
使如或因循怠忽徒事虛文責有所歸爾其欽承之故
勅

勅諭刑科左給事中戴光啟

萬曆七年

先該撫臣建議以敵款邊寧宜及時大修邊政以永圖

治安先帝嘉納其言分遣大臣三年一次閱視自朕嗣位已經兩次舉行今歲復當閱視之期有言其不便欲停差遣者朕念係先帝遺謨所當遵守且用以儆惕人心振興頽廢法不可罷今歲暫差科臣查閱茲特命爾前去延寧甘固地方遵照原題事理將一切邊務會同各該巡按御史從實查閱要見錢糧積下若干有無侵冒險隘增修若干是否完固兵馬添補若干果否精練器械整造若干果否堅利屯田鹽法會否修舉收買壯馬有無實用及一應未盡事宜悉查原議一一親履其

地設法稽覈毋但託委官憑據文冊苟且塞責遺臣有
能著實整飭著有勞績及踵襲故套搪塞誤事者俱從
實具奏以憑賞罰境內文武官員聽爾隨宜委用并將
呈委官員稽查賢否分別舉劾應提問者提問爾承茲
重遣須殫竭忠誠悉心查覈仍遵照近旨約已檢下安
靜行事務俾查閱有方地方無擾斯稱任使毋得避怨
回護及生事騷擾自取愆尤爾其慎之戒之故諭

表

唐

謝賜中和節御製詩序表

王維

中使至伏奉手詔并賜臣皇太子所寫御製中和節詩序聖澤曲臨天文下降日月爛其光彩風雲蔚其氣色捧讀驚駭魂守失常臣伏以天地有常萬物必由其化陰陽不測聖人能爲之節然後垂文章以鼓天下之動張宴樂以導天下之和三五以還盛美斯在伏惟陛下以道御物以文化成立言盡經緯之本秉筆節陽和之中雖天旨元深理絕於彌度而睿詞煥洽義歸於德邵文輝三象稽圖六律邁殷湯之晨露掩虞舜之薰風皇

太子以聰哲之姿篆隸超妙鸞鳳之勢鍾王莫儔臣備
守外藩獲承殊獎荷此非常之賜實惟希代之寶窺觀
則河漢無極負戴則山岳爲輕沉族捐軀何階上答不
勝欣感之誠謹獻應制詩一首章句疎蕪義理鄙淺君
唱臣和歡逢宴鎬之時濫吹徒歌輒効鈞天之末塵瀆
旒扈伏深戰懼無任祇惕之至

進王維集表

王 縉

中使王承華奉宣聖旨應是王維文賦並仰錄寫進上
者恩命忽臨以驚以喜退因編錄又竊感傷臣兄文詞

立身行之餘力常持堅正秉操孤貞縱居要劇不忘清
淨實見時輩許以高流至於晚年彌加進道端坐虛室
念茲無生乘輿爲文未嘗廢筆或散朋友之手或留篋
笥之中臣近搜求尚應零落詩筆共成十卷今且隨表
進上曲承天鑒下訪遺文魂而有知荷龍光於幽窆沒
而不朽成大名於聖朝臣不勝感戴悲歡之至

序

唐

東臯子集序

呂才

君姓王氏諱勣字無功太原祁人也高祖晉穆公自南
歸北始家河汾焉歷宋魏迄於周隋六世冠冕國史家
牒詳焉君性好學博聞強記與李播陳永呂才爲莫逆
之交陰陽歷數之術無不洞曉大業末應孝悌廉潔舉
射高第除秘書正字君性簡放飲酒至數斗不醉嘗云
懼不逢劉伶與閉戶轟飲因著醉鄉記及五斗先生傳
以類酒德頌云雅善鼓琴加減舊弄作山水操爲知音
者所賞高情勝氣獨步當時及爲正字端簪理笏非其
好也以疾罷乞署外職除揚州六合縣丞君篤於酒德

頗妨職務時天下亂藩部法嚴屢被勘劾君歎曰羅網
高懸去將安所遂出所受俸錢積於縣城門前託以風
疾輕舟夜遁隋季版蕩客遊河北去還龍門武德中詔
徵以前揚州六合縣丞待詔門下省時省官例日給良
醞三升君第七弟靜爲武皇千牛謂曰待詔可樂否君
曰吾待詔祿俸殊爲蕭瑟但良醞三升差可戀爾待詔
江國公君之故人也聞之曰三升良醞未足以絆王先
生判日給王待詔一斗時人號爲斗酒學士貞觀初以
足疾罷歸欲定長往之計而困於貧貞觀中以家貧赴

選時太樂有府吏焦革家善醞酒冠絕當時君苦求爲
太樂丞選司以非士職不授君再三請曰此中有深意
且士庶清濁天下所安不聞莊周避漆園老聃耻柱下
卒授焉數月而焦革死妻袁氏時送美酒歲餘袁又死
君嘆曰天廼不令吾飽美酒遂掛冠歸田自是太樂丞
爲清流君後追述焦革酒經一卷其術精悉兼採杜康
儀狄已來善爲酒人爲酒譜一卷太史令李淳風見而
悅之曰王君可謂酒家之南董君歷職皆以好酒鄉里
或哈之因著無心子以喻志河汾中先有渚田十數頃

稱良沃隣渚又有隱士仲長子光服食養性君重其貞
素顧與相近遂結廬河渚縱意琴酒慶弔禮絕十有餘
年河渚東南隅有連沙磐石地頗顯敞君於其側遂爲
杜康立廟歲時致祭以焦革配焉貞觀中京兆杜松之
清河崔公善繼爲本州刺史皆請與君相見君曰奈何
悉欲坐名嚴君平竟不見崔杜高君調趣卒不敢屈但
歲時贈以美酒鹿脯詩書往來不絕君又葛巾聯牛躬
耕東臯每著書自稱東臯子晚歲醉飲無節鄉人或諒
止之則笑曰汝輩不解理正當然或乘牛駕驢出入郊

郭止宿酒店動經歲月往往題咏作詩好事者錄之諷
詠并傳於代貞觀十八年終於家時年若干臨終自剋
死日遺命薄葬兼豫自爲墓誌所著詩賦並多散逸鳩
訪未畢且緝成五卷又著會心高士傳五卷酒譜二卷
及注老子並別成一家不列於集云

按唐書隱逸傳勤絳州龍門人

考

國朝

祁邑源流考

李而洵

昔禪通之敘五帝曰太昊而後炎帝繼出姓伊耆氏蓋以初國伊繼國者而稱名也黃帝握符子二十五人得姓者祈已滕箴任荀嬉姑懷依二姬二酉凡十四故六一氏曰黃帝之子首食於祁而世厥土帝堯生於丹陵徙於祁故亦姓伊耆殆依炎帝之舊與載攷左國史鑑竹書開山等集所載僉同且謂耆祈祁本一字卽太原府祁縣故今祁地北四十里曰堯城南五十里曰平陶均稱帝堯始封地則祁之封建愈明矣是古帝有五而祁擅其三也夫以三帝之中天也鍾扶輿之精毓山川

之秀五行範體萬善羅躬人至則地必靈而均於祫有
湯沐之緣祫誠文獻之區也哉且夫經土分域正山川
林藪之名炎帝也定大小之國萬區黃帝也分九州別
道里遠近名帝堯也祫借三聖開闢之力仍借三聖保
艾之功是地之誠以人重也前此者惜無可考爾今祫
東六支村二帝行宮巍然具焉其卽當年遺址與第代
遠人湮歲時罔飭夫祭有未舉禮警不恭况聖帝爲萬
古立極之主也者景高山而仰止溯昌水以朝宗春祀
秋嘗之舉端望博雅君子亟請而崇其典云

三溫名字考

余讀新唐書溫大雅字彥宏身彥博字大臨大有字彥
將三人兄弟而兩以大爲名彥爲字一以彥爲名大爲
字殊異之至宰相世系表則云彥將字大有而博雅同
後見大唐創業起居注係大雅所撰也中云煬帝遣使
夜至太原溫彥將宿於城西門樓上首先見之報兄彥
宏馳以啟帝帝方卧聞而驚起執彥宏手而笑據此則
三溫之名皆從彥而此書首題乃云大雅奉勅撰不應
於其間敢自稱字已而詳考之高宗太子諱宏受醜於

武后追崇曰孝敬皇帝廟曰義宗故諱之者以宏文館
爲昭文宏農縣爲恒農徐弘敏爲有功韋宏機爲韋機
等則大雅之名實後人追改之載觀顏魯公叙溫氏之
盛曰思魯大雅愍楚彥博遊秦彥將三人之名字其益
真乎